

## Útkomið í A-deild Stjórnartíðindanna 1906.

*Tilskipun um breyting á 9. grein í tilskipun 20. janúar 1899 um alþjóðlegar sjóferðareglur, er fylgt skal á íslenskum skipum, undirskrifuð af konungi 11. desbr. 1906 (A nr. 18, bls. 70—75).*

### Brjef stjórnarráðsins til biskups um sölu kirkjujarðar.

1

Samkvæmt þegnlegri tillögu stjórnarráðsins hefir hans Hátígn konunginum 3. f. m. allramildilegast þóknast að veita allra hæst samþykki sitt til þess, að selja megi jörðina Syðra Skógskot í Miðdalahreppi, sem er eign Sudurdalabinga í Dalaprófastdæmi, undan nefndu prestakalli fyrir 1500 kr. með þeim skilyrðum, að söluandvirði jarðarinnar ávaxtist undir umsjón biskups sem óskerðanlegur höfuðstóll, er sje eign prestakallsins, með að minsta kosti 4% í vöxtu, að 3 kr. af hinum árlegu vöxtum leggist við höfuðstólinn, en að öðru leyti njóti beneficiarius vaxtanna, og að jörðin verði framvegis skoðuð sem bændaeign, að því er skatta og skyldur snertir.

Þetta er yður, háæruverðugi herra, til vitundar gefið yður til leiðbeiningar, að því viðbættu, að verði höfuðstólnum varið til að kaupa fyrir veðdeildarbrjef í Landsbankanum, skulu brjefin send hingað til þess að ritað verði á þau, að þau sjeu eign prestakallsins, og ákvæði um, að ekki megi afhenda þau.

### Brjef stjórnarráðsins til sýslumannsins í Þingeyjarsýslu um skifting Hálshrepps í tvö sveitarfjelög.

2

18. jan.

Með brjefi yðar, herra sýslumaður, dags. 16. nóv. f. á., hefir stjórnarráðinu borist erindi frá Hálshreppi í Sudurþingeyjarsýslu um skifting þessa hrepps í tvö sveitarfjelög ásamt meðmælum hlutaðeigandi sýslunefndar með því, að skifting þessi verði leyfð.

Út af þessu skal hjer með, samkvæmt sveitarstjórnarlögum 10. nóvbr. 1905, skipað svo fyrir sem hjer segir:

1. Hálshreppi í Sudurþingeyjarsýslu skal skift í tvö sveitarfjelög, þannig að takmörkin milli hinna nýju hreppa verði Eyvindarárgil og Urðargil á Flatheyjardalsheiði, og nefnist nýrðri hlutinn Flateyjarhreppur, en syðri hlutinn Hálshreppur.
2. Öllum eignum, skuldum og sveitarþyngslum hins núverandi Hálshrepps, þeim er verða, þegar skiftingin fer fram, skal skift þannig milli hinna nýju hreppa, að í hlut Flateyjarhrepps komi  $\frac{1}{8}$  hlutur, en í hlut Hálshrepps  $\frac{7}{8}$  hlutar, og eftir sama hlutfalli skal skifta sveitarþyngslum þeim, er síðar kunna til að koma, og eiga rót sína í fjelagsskap þeim, sem hingað til hefir átt sjer stað

2  
18. jan.

milli hinna nýju hreppa. Þó er gjör sú undantekning frá nýnefndri reglu um skifting eignanna, að af því, sem hinum núverandi Hálshreppi hefir verið gefið til uppfræðslu ungmenna, sem er hálf jörðin Veturliðastaðir og hálf jörðin Brettingsstaðir, falli  $\frac{1}{5}$  í hlut Flateyjarhrepps, en  $\frac{4}{5}$  í hlut Hálshrepps.

3. Aðskilnaður hreppanna skal fram fara þegar er hreppsnefndir hafa verið kosnar í hvorum hinna nýju hreppa, og skulu vera 3 hreppsnefndarmenn í Flateyjarhreppi og 5 í Hálshreppi, en þær skulu síðan frankvæma skiftinguna á eignum, skuldum og sveitarþyngslum, en verði ágreiningur út af skiftingunni, skal úr honum skorið af sýslunefnd, sem einnig skal kveða á um fjallskil og afreitti.

Þetta er yður hjer með til vitundar gefið til leiðbeiningar og frekari aðgjörða og birtingar, að því viðbættu, að með framangreindri fyrirskipan er engin breyting gjörð á hinum forna Hálshreppi sem dómpinghá nje manntalspinghá.

3  
31. jan.

### Brjef stjórnarráðsins til biskups um afleysing prestsmötu- gjalds m. m.

Samkvæmt þegnlegri tillögu stjórnarráðsins hefir hans hátign konunginum 8. f. m. allramildilegast þóknast að veita allrahæst samþykki sitt til þess, að jörðin Fróðastaðir í Hvítársíðuhreppi verði greind frá Síðumúlakirkjueigninni, og losuð við allar skyldur til viðhalds Síðumúlakirkju, svo og við prestsmötu-  
kvöð þá, er á jörðinni hvílir, en að þetta hvíli framvegis einungis á jörðinni Síðumúla í sama hreppi, og ennfremur að prestsmötu-  
kvöð sú, — 100 pd. af smjöri til sóknarprestisins að Gilsbakka, — er samkvæmt ofanskráðu hvílir á Síðumúlanum, verði afnumin innan 5 ára gegn 1300 kr. endurgjaldi, með því skilyrði, að því þetta ávaxtist undir umsjón biskups sem óskerðanlegur höfuðstóll, er sje eign prestakallsins, og að beneficiarius njóti vaxtanna, og ennfremur að því áskildu, að jörðin Fróðastaðir verði framvegis skoðuð sem bændaeign, að því er skatta og skyldur snertir.

Þetta er yður, háæruverðugi herra, hjer með til vitundar gefið, yður til leiðbeiningar og til frekari aðgerða, að því viðbættu, að verði höfuðstólnum var-  
ið til að kaupa fyrir veðdeildarbrjef í Landsbankanum, skulu brjefin send hingað til þess að ritað verði á þau ákvæði um, að eigi megi afhenda þau.

### 4 21. febr. Brjef stjórnarráðsins til sýslumannsins í Barðastrandarsýslu um inn- flutning á svínum.

Stjórnarráðinu hefir frá forstöðumanni hvalaveiðastöðvarinnar á Tálkna-  
firði, Olaf Fostenes, borist beiðni um, að honum verði leyft að flytja 10 grisi frá  
útlöndum til hvalaveiðastöðvarinnar. — Eftir að hafa leitað álits dýralæknisins